



**Soalan 1 – 5 berdasarkan bahan di bawah ini.**

Baca bahan di bawah ini dengan telitinya dan jawab soalan-soalan yang berikutnya.

**Syair Nasihat Penghujung Thamarat al-Muhimmah**

- |  |  |
|--|--|
| <p>1 Tamatlah kitab dikarang orang,<br/>akalnya pendek ilmunya kurang,<br/>daripada sangat hajatku gerang,<br/>diperbuat juga sebarang-barang.</p> <p>2 Melepaskan hati yang terbuku,<br/>pengajaran kepada sekalian anakku,<br/>mudah-mudahan betul tingkah dan laku,<br/>perangai yang baik biar terpaku,</p> <p>3 Dengarkan tuan ayahanda berperni,<br/>kepada anakanda muda bestari,<br/>nasihat kebajikan ayahanda beri,<br/>amalkan jangan malas dan ngeri.</p> <p>4 Ayuhai anakanda muda remaja,<br/>jika anakanda menjadi raja,<br/>hati yang betul hendak disahaja,<br/>serta rajin pada bekerja.</p> | <p>5 Kerja kebajikan janganlah malas,<br/>zahir dan batin janganlah culas,<br/>jernihkan hati hendaklah ikhlas,<br/>seperti air di dalam gelas.</p> <p>6 Menuntut ilmu janganlah segan,<br/>ilmu yang benar jangan yang bukan,<br/>iaitu, ilmu yang kebajikan,<br/>di kitab ini sudah disebutkan.</p> <p>7 Hendaklah anakanda mengaji selalu,<br/>dari yang lain lebihkan dulu,<br/>had syarak <i>jangan dilalu</i>,<br/>tidaklah anakanda beroleh malu.</p> |
|--|--|

Dipetik daripada “Syair Nasihat Penghujung  
Thamarat al-Muhimmah”,  
antologi *Baik Budi, Indah Bahasa*, Tingkatan 2,  
Kementerian Pendidikan Malaysia

- 1 Berdasarkan syair, rangkai kata *jangan dilalu* bermaksud
- |                  |                   |
|------------------|-------------------|
| A biar dijaga.   | C usah dilanggar. |
| B baik diterima. | D tidak dihalang. |

Mentafsir (Araas R)

- 2 Menuntut ilmu janganlah segan,  
ilmu yang benar jangan yang bukan,

Nyatakan kata-kata hikmat yang sesuai dengan pernyataan di atas.

- |  |
|--|
| A Ilmu pelita hati                     |
| B Bahasa menunjukkan bangsa            |
| C Kehidupan memerlukan pengorbanan     |
| D Yang lahir memperlihatkan yang batin |

Mentafsir (Araas R)

- 3 Apakah persoalan yang terdapat dalam rangkap kelima syair ini?
- |  |
|--|
| A Orang yang baik memiliki hati yang bersih.                   |
| B Kebaikan seseorang itu dinilai dari segi zahir dan batinnya. |

- |   |
|---|
| C Keikhlasan seseorang itu dapat dilihat ketika dia menuang air di dalam gelas. |
| D Kerja kebajikan harus dilakukan dengan penuh keikhlasan.                      |

Memahami; Menganalisis (Araas S)

- 4 Berdasarkan rangkap ketiga syair ini, ayah menasihati anaknya agar
- |                                  |
|----------------------------------|
| A bertindak dengan betulnya.     |
| B rajin berbuat kebajikan.       |
| C tidak bersikap malas.          |
| D menjadi insan berakhlak mulia. |

Memahami; Menganalisis (Araas S)

- 5 Yang berikut merupakan pernyataan yang benar berdasarkan syair **kecuali**
- |   |
|---|
| A penyair telah tamat mengarang kitab.                  |
| B ayah berharap agar anaknya akan menjaga tingkah laku. |
| C anaknya masih muda dan sudah menjadi raja.            |
| D ayah menasihati anaknya agar rajin mengaji.           |

Menganalisis; Menyusun (Araas T)